

Historia chikito di bida di Guillermo Trinidad

ORANJESTAD (AAN) For di Sr. Dudu Adonis amigo personal di Ministro Guillermo Trinidad q.e.p.d., DIARIO a haya un parti chikito di Curriculum Vitae di Guillermo.

Guillermo Prospero Trinidad a nace na Curaçao dia 25 di Juni 1939.

Na edad hoben di 3 aña Guillermo a muda pa Aruba ora cu su mama y tanta di crianza conoci como Mosa, awor difunto, y Shon Ca a dicidi di bin establece na Aruba. Manera tur e personanan cu tabata biba den Dakota e tempo ey Guillermo tabata biba den un cas di Pueblo den Kashustraat. Nunca Guillermo a cambia e manera humilde di biba cu el a conoce den su juventud y te na su morto el a keda biba den un cas simpel sin luho. Tur hende cu a conoce Guillermo mester reconoce cu apesar cu Guillermo a ocupa posiconnan clave den e comunidad Arubano nunca esaki tabata motibo pa e cambia. Ta na ultimo momentonan di su bida e tabata dispuesto pa encontra cu su amigonan di Dakota na "Chino" pa pasa algun momentonan agradable. E encuentran aki ultimo tempo a bira poco menos pa motibo di e posicon di Ministro di Finanzas cu e tabata ocupa den e Gobierno actual. Te den oranan laat di anochi y marduga por mira su auto staciona dilanti di Oficina di Gobierno. Guillermo a bay school na La

Salle School y St. Dominicus College na unda el a gradua na aña 1956.

Despues di a gradua for di St. Dominicus College, Guillermo a bay Hulanda pa studia pa onderwijzer.

Despues di a termina su estudio na Dongen Hulanda, Guillermo a obtene su onderwijzer-akte y a regresa Aruba y a traha den su Bario Dakota na Pius X School.

Pa su bon trabao como onderwijzer Guillermo a keda promove pa Hefe di school na Tarcisius College.

Na aña 1971 Guillermo a drenta politica den e partido P.P.A. Pa dedica su mes mas na politica el a tuma un traslado pa Departamento di Enseñansa como coordinador. Na su prome participacion na eleccion pa Eilandsraad di Aruba na aña 1973 Guillermo a keda eligi cu voto di preferencia. Pa e eleccion di Staten na aña 1973 tambe Guillermo a obtene mas cu 2000 votos y a bira Fractie leider pa P.P.A. den Staten.

Pa motibonan personal Guillermo a bandona filanan di P.P.A. na aña 1977 y a bay forma parti di e Partido R.U.B.A. cu cual partido Guillermo a bay dos eleccion. Despues di a milita den R.U.B.A., un partido cu el a yuda funda, Guillermo a dicidi di retira for di politica activo pa algun aña pa despues drenta



filanan di M.E.P. na aña 1983 y a bira miembro di Staten pa M.E.P., na aña 1985 tambe Guillermo a bira miembro di Staten pa M.E.P.

Por cierto ta Sr. Betico Croes q.e.p.d. a convence Guillermo pa entrega den filanan di M.E.P.

Despues di eleccion di aña 1989 Guillermo a bira Minister di Finanza.

Un relato cortico di e carera politico di Guillermo ta muestra e siguiente balance: Diputado pa P.P.A., Miembro di Staten pa P.P.A., Miembro di Staten pa M.E.P. Minister di Finanza.

Guillermo tabata mira politica diferente cu hopi di nos politiconan.

Un persona integro y correcto cu jamas por a pensa di comete algun acto cu no ta completamente correcto. Guillermo tabata tin e don pa den un manera sereno y sin emocion analiza problemanan

cu presenta y una vez yega na un conclusion, sa di presenta esaki detaya y completo. Como orador tambe el a demostra di tin un vocabulario limpi cu cual el a sabi di ranca admiracion di amigonan y contricantenan politico.

Prome cu Guillermo a bay studia na Hulanda el a forma parti di e team juvenil di Dakota. Despues di a regresa for di Hulanda Guillermo a hunga pa Dakota division di

Honor y a resalta semper pa su velocidad y deportivismo. Una vez cu el a retira di futbol organiza el a forma parti di e team di veterano di Dakota esta Roma. Durante su carera activo como futbolista Guillermo tabata tin e honor di defende e colorman di Aruba den e seleccion di futbol.

Ora cu Guillermo a stop di hunga futbol veterano tambe e kier a haci su mes util toch y a dicidi di dirigi weganen amistoso di Roma. Ultimo temponan por a mira Guillermo regularmente ariba tereno di futbol dilanti di su cas ta core

y cana pa tene su curpa en condicion.

Tambe como dirigente di deporte Guillermo pa hopi aña tabata presidente di S.V. Dakota den cual posicon el a guia Dakota na diferente titulonnan campeonil.

Guillermo a bay laga su casa Francis y dos yiunan Karin y Eugene atras cu sigur lo sinti falta di un gran tata pa su yiunan y un bon esposa pa su señora.

Den Guillermo Dakota en particular y Aruba en general a perde un gran amigo, persona y mandatario.

Robo cu kiebra for di auto

ORANJESTAD(AAN) -- Pa e doño di un auto ta manera un shock ora e yega y descubri cu desconocinan a forza y drenta den su auto.

Ademas cu durante e forzamento a causa destruccion na e auto, e doño ta haye confronta cu e hecho cu ladronnan a bay cu articulonan for su auto.

Mester señala cu tin hopi hende cu ta keda sin tuma e medidanan necesario pa evita cu nan ta bira victima di ladronnan.

Antes tabata asina cu por a laga auto cu glasnán y porta habri pasobra ningun hende ta horta. Pero actualmente esaki no por mas.

Tin hende ta hasta provoca ladronnan pa horta. Tin hende ta laga cartera, prenda of otro cosnan di balor riba e asiento di e auto. Esaki sin duda ta provoca e ladron di horta.

Diamars den horanan di anochi, un dama a entrega keho di robo for su auto staciona den parkinglot di un hotel.

Desconocinan a destrui un glas cu piedra pa asina bay cu un cartera conteniendo mas o menos 50 Florin. Aki por nota cu e destruccion causa ta mucho mas grave cu e robo ya cu e glas seguramente ta costa mucho mas cu 50 Florin. Recherche ta investigando e caso.

**TELEFONAN DI
DIARIO**
22207-26747-35026

L.A.R.R.C.

LOCAL ARUBA REFINERY REHABILITATION COMPANY, N.V.
P.O. Box 2150
San Nicolas, Aruba

JOB OPPORTUNITY

is looking for qualified Arubans in the following job classifications

PIPEFITTERS
LABORERS
CARPENTERS
PIPEWELDERS

Successful applicants will enjoy excellent wages and benefits as well as the challenge of working on this important project.

If you are interested, come to the front gate of COASTAL CORPORATION for an interview. These job opportunities are for ARUBANS only.

**WINDOW UNITS 220v/60Hz
"COLD POINT" CASH**

Afls.: 995,=

11.800 BTU Afl. 995,00 43 cmx68cm
14.000 BTU Afls. 1.125,00 43cmx68cm
18.000 BTU Afl. 1.320,00 43 cmx68cm
23.300 BTU Afl. 1.520,00 43 cmx68 cm

Economico, silencioso, completamente galvanisa,
garantia completo. No tin miho! Obtenible for di stock.

KOEL TECHNISCH BEDRIJF ARUBA N.V.
Tanki Leendert 158-G
Tel.: 22828/38521



B.J. ARENDS & SONS INC.

Oportunidad pa empleo permanente.

Nos tin mester di un dama pa ta encarga cu limpieza di un di nos negoshinan na O'stad.

Orario ta 40 ora pa siman
di Dialuna pa Diabierna.

Interesadonan mester solicita personalmente
na oficina di O'stad Home Center.